

BOSNA I HERCEGOVINA
MINISTARSTVO KOMUNIKACIJA I PROMETA

Na osnovu člana 8. Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine („Službeni glasnik BiH“, broj 37/03), člana 4. stav (3) Pravilnika o Vijeću za sigurnost saobraćaja („Službeni glasnik BiH“, broj 13/13) i Odluke o raspisivanju Javnog oglasa za izbor i imenovanje pet članova Vijeća za sigurnost saobraćaja iz reda stručnjaka broj: 04-02-2-2408/23 od 18. 9. 2023. godine, Ministarstvo komunikacija i prometa Bosne i Hercegovine objavljuje

**JAVNI OGLAS ZA IZBOR I IMENOVANJE PET ČLANOVA VIJEĆA ZA
SIGURNOST SAOBRAĆAJA IZ REDA STRUČNJAKA ZA OBLAST
SIGURNOSTI SAOBRAĆAJA NA CESTAMA**

OPIS POSLOVA ČLANOVA VIJEĆA ZA SIGURNOST SAOBRAĆAJA

Vijeće za sigurnost saobraćaja daje mišljenje na Strategiju sigurnosti saobraćaja na cestama u Bosni i Hercegovini (u daljem tekstu: Strategija); razmatra izvještaje o provođenju Strategije i izvještaje o izvršenju Akcionog plana za provođenje Strategije i daje mišljenje o njima; učestvuje u pripremi politika, strateških, planskih i programskih dokumenata iz oblasti sigurnosti saobraćaja na cestama, koordinira aktivnosti potrebne za njihovu realizaciju i prati realizaciju, u skladu sa zakonom i na osnovu zakona donesenih propisa; prati i analizira stanje u oblasti sigurnosti saobraćaja na cestama i o zauzetim stavovima, mišljenjima i donesenim odlukama obavještava sve organe i organizacije u čijem djelokrugu je predmetna djelatnost; predlaže nadležnim organima i organizacijama mjere i aktivnosti koje je potrebno preduzeti s ciljem unaprjeđenja sigurnosti saobraćaja na cestama; učestvuje u aktivnostima koje se provode s ciljem obrazovanja i informiranja javnosti i podizanja svijesti javnosti o značaju sigurnosti saobraćaja na cestama, kao i u drugim aktivnostima i akcijama koje se provode s ciljem prevencije i unaprjeđenja sigurnosti saobraćaja na cestama; donosi Poslovnik o radu Vijeća.

**RAD, NAKNADE I TRAJANJE MANDATA ČLANOVA VIJEĆA ZA SIGURNOST
SAOBRAĆAJA KOJE IMENUJE VIJEĆE MINISTARA BOSNE I HERCEGOVINE**

Članovi Vijeća za sigurnost saobraćaja se biraju na mandat od četiri godine.

Članovi Vijeća za sigurnost saobraćaja imaju pravo na naknadu u skladu s Odlukom o utvrđivanju visine novčane naknade za rad članova Vijeća za sigurnost saobraćaja na cestama u Bosni i Hercegovini iz reda stručnjaka za oblast sigurnosti saobraćaja na cestama („Službeni glasnik BiH“, broj 68/20).

Broj članova Vijeća za sigurnost saobraćaja koji se imenuju na osnovu ovog oglasa: 5 (pet).

OPĆI USLOVI KOJE KANDIDATI MORAJU ISPUNJAVATI SU:

- a) da je državljanin Bosne i Hercegovine, stariji od 18 godina,
- b) da nije otpušten iz državne službe u institucijama Bosne i Hercegovine, odnosno entiteta kao rezultat disciplinske mjere u periodu od tri godine prije dana objavljivanja upražnjene pozicije,
- c) da se na njega ne odnosi član IX stav 1. Ustava Bosne i Hercegovine,

- d) da protiv njega nije pokrenut krivični postupak za krivično djelo za koje je predviđena kazna zatvora tri ili više godina.

POSEBNI USLOVI KOJE KANDIDATI MORAJU ISPUNJAVATI SU:

- a) najmanje VII stepen stručne spreme (za lica koja su studij završila po Bolonjskom sistemu studiranja završen studij koji se vrednuje sa najmanje 240 ostvarenih ECTS bodova) i to dipl. inženjer saobraćaja-cestovni smjer, dipl. pravnik i dipl. inženjer građevine-smjer niskogradnja i
- b) da ima najmanje pet godina radnog iskustva na poslovima u vezi sigurnosti saobraćaja na cestama.

Kandidati koji ispunjavaju opće i posebne uslove podliježu postupku ocjenjivanja prema kriterijima i standardima za ocjenjivanje koji su utvrđeni Odlukom o utvrđivanju pisanih kriterija za imenovanje članova Vijeća za sigurnost saobraćaja broj: 04-02-2-2408-1/23 od 12. 10. 2023. godine, a koji se zasnivaju na sljedećem:

I. Ocjenjivanje na osnovu pisanih dokaza zasniva se na sljedećim kriterijima:

- Učešće na domaćim i međunarodnim projektima kao tim lider ili kao član;
- Objavljeni radovi na domaćim i međunarodnim konferencijama.

II. Ocjenjivanje intervjuja se vrši na osnovu pokazanog znanja iz sljedećih oblasti:

- Poznavanje osnova ustavnog sistema i osnova sistema državne uprave Bosne i Hercegovine;
- Poznavanje politike, strategije i pravnog okvira Bosne i Hercegovine;
- Poznavanje politike EU i strateških dokumenata, UN dekada, kao regionalnih dokumenata, te plana rada u Vijeću;
- Profesionalna sposobnost i efikasnost, odgovornost i profesionalna nepristrasnost, sposobnosti i vještine.

NAČIN PRIJAVLJIVANJA

Kandidati prijave podnose isključivo na prijavnom obrascu koji je dostupan na službenoj internet stranici Ministarstva komunikacija i saobraćaja Bosne i Hercegovine www.mkt.gov.ba i u prostorijama Ministarstva komunikacija i prometa Bosne i Hercegovine kancelarija broj 401/IV, Trg Bosne i Hercegovine br. 3, 71 000 Sarajevo.

SPISAK POTREBNIH DOKUMENATA

Uz prijavu na oglas kandidat je dužan u originalu ili kao ovjerenu fotokopiju dostaviti sljedeće dokumente:

- a) uvjerenje o državljanstvu (ne starije od šest mjeseci od dana izdavanja od nadležnog organa);
- b) izjava kandidata da nije otpušten iz državne službe u institucijama Bosne i Hercegovine, odnosno entiteta kao rezultat disciplinske mjere u periodu od tri godine prije dana podnošenja prijave (ovjerena od nadležnog općinskog organa ne starija od tri mjeseca);
- c) izjava kandidata da se na njega ne odnosi član IX stav 1. Ustava Bosne i Hercegovine (ovjerena od nadležnog općinskog organa ne starija od tri mjeseca);

- d) uvjerenje o nevođenju krivičnog postupka (izdato od nadležnog suda ne starije od tri mjeseca);
- e) univerzitetska diploma (nostrificirana/priznata diploma, ukoliko fakultet nije završen u Bosni i Hercegovini ili je diploma stečena u nekoj drugoj državi nakon 06.04.1992. godine). Kandidati su obavezni dostaviti diplomu prvog ciklusa (ili osnovnog dodiplomskog studija), bez obzira na uslove oglasa, osim za integrirane studije kod kojih je potrebno dostaviti i dokaz da se radi o integriranom studiju, ako to nije vidljivo iz same osnovne diplome, dodatka diplomi ili rješenja o nostrifikaciji/priznavanju dodatka diplome za kandidate koji su visoko obrazovanje stekli po Bolonjskom sistemu studiranja; izuzetno, samo u slučaju da visokoškolska ustanova dodatak diplomi nije uopće izdavala, niti za jednog diplomca, kandidat je dužan da uz ovjerenu kopiju univerzitetske diplome dostavi uvjerenje visokoškolske ustanove da dodatak diplomi nije uopće izdat, niti za jednog diplomca;
- f) Potvrde ili uvjerenja kao dokaz o traženom radnom iskustvu, izdati od institucija/organizacija u kojima je kandidat stekao radno iskustvo;
- g) Dokazivanje učešća na domaćim i međunarodnim projektima kao tim lider ili kao član, i dokazivanje o objavljenim radovima na domaćim i međunarodnim konferencijama vrši se odgovarajućom potvrdom, uvjerenjem, rješenjem, odlukom, kao i drugim dokazima iz kojih je moguće utvrditi predmetno iskustvo i navođenjem aktivnih linkova za pristup radu ili na drugi način na koji je moguće utvrditi objavljivanje rada.

NAPOMENE

Javni oglas ostaje otvoren najkasnije do 11.11.2023. godine.

Način dostavljanja prijava i dokumentacije:

Prijave i traženi dokumenti se dostavljaju u zatvorenoj koverti, putem poštanske službe preporučeno na adresu:

**MINISTARSTVO KOMUNIKACIJA I PROMETA BOSNE I HERCEGOVINE
UZ NAZNAKU „ ZA KOMISIJU ZA IZBOR PET ČLANOVA VIJEĆA ZA
SIGURNOST SAOBRAĆAJA - NE OTVARATI“,
TRG BOSNE I HERCEGOVINE br. 3, 71 000 SARAJEVO**

Dokazivanje radnog iskustva:

U pogledu radnog iskustva ne dostavljati: radnu knjižicu jer ona ne može dokazati nijedan oblik radnog iskustva, može dokazati samo radni staž. Potvrde/uvjerenja kojima se dokazuje radni staž također neće biti uzete u razmatranje, jer radni staž predstavlja samo vrijeme koje zaposleni provede u radnom odnosu, isti ne može dokazati o kojoj vrsti radnog iskustva je riječ; ugovor o radu, ugovor o obavljanju privremenih i povremenih poslova, ugovor o djelu i dr. ugovore; rješenje ili odluku o zasnivanju/prestanku radnog odnosa - isti dokazuju samo početak/prestanak radnog angažmana i naziv radnog mjesta, ne i njegov kontinuitet; sporazum, preporuke ili druge slične isprave ukoliko ne sadrže sve elemente potvrde/uvjerenja, uvjerenja izdata od nadležnog zavoda/fonda PIO/MIO o podacima registrovanim u matičnoj evidenciji bez potvrde nadležnog zavoda/fonda PIO/MIO gdje je

navedena šifra zanimanja. Također, ne dostavljati dokumente koji ne sadrže elemente potvrde ili uvjerenja, odnosno dokumente u kojima nije decidirano navedeno sljedeće: osnovne generalije, vrsta školske sprema u okviru radnog mjesta, tj. stručna sprema predviđena za konkretno radno mjesto, naziv radnog mjesta, po mogućnosti opis poslova sa preciziranim periodom radnog angažiranja na radnim zadacima, te ostali relevantni podaci za dokazivanje tražene vrste radnog iskustva.

Ostale napomene:

Ministarstvo komunikacija i prometa Bosne i Hercegovine imenuje posebnu komisiju koja razmatra pristigle prijave kandidata u smislu blagovremenosti, potpunosti i ispunjavanja općih i posebnih uslova i vrši ocjenjivanje kandidata.

Komisija za izbor poziva na intervju sve kandidate koji ispunjavaju opće i posebne uslove.

Prije intervjua, svaki kandidat je dužan Komisiji za izbor dati podatke o ranijim neposrednim rukovoditeljima od kojih se mogu dobiti preporuke i informacije o kandidatu, te popuniti izjavu u kojoj će iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja.

Ispunjavanje uslova utvrđenih ovim oglasom računa se danom predaje prijave.

Nepotpune, neblagovremene i neuredne prijave odbacit će se zaključkom, kao i prijave koje nisu podnesena na traženom obrascu. Kopije tražene dokumentacije koje nisu ovjerene, neće se uzimati u razmatranje.

Ovaj oglas će biti objavljen u „Službenom glasniku BiH“, „Službenom glasniku Brčko distrikta Bosne i Hercegovine“, dnevnim novinama „Nezavisne novine“, „Dnevni avaz“ i „Dnevni list“, te na internetskoj stranici Ministarstva komunikacija i saobraćaja Bosne i Hercegovine.

Rok od 15 dana za dostavljanje prijave teče od dana objavljivanja ovog oglasa u „Službenom glasniku BiH“.

Broj: 04-02-2-2408-2/23
Sarajevo, 17.10.2023. godine

MINISTAR

Edin Forto s.r.